



# Siða- og skólareglur LungA-skólans

Þessar siða- og skólareglur eru stutt yfirlit yfir valda kafla úr Skólanámskrá LungA-skólans sem má finna á vefsíðu skólans. Þær eru byggðar á meginmarkmiðum skólans um virðingu, öryggi, ábyrgð og þátttöku og gilda jafnt um nemendur, starfsfólk, gestakennara, samstarfsaðila og aðra þátttakendur í daglegu starfi skólans.

Markmið siðareglanna er að tryggja að allt skólastarf fari fram í andrúmslofti gagnkvæmrar virðingar og öryggis, þar sem allir þátttakendur geta tekið virkan þátt í námi, samveru og skapandi starfi, óháð stöðu, uppruna eða sérkennum. Reglurnar skilgreina sameiginlega ábyrgð í samfélagslegu skólaumhverfi og beina sjónum að mikilvægi samþykkis, fjölbreytileika, jafnréttis og sjálfsákvörðunarréttar.

Siðareglurnar eru hluti af heildarstefnu LungA-skólans og eru samræmd þeim gildum sem fram koma í skólanámskrá, persónuverndarstefnu og öðrum leiðbeinandi skjölum skólans. Skólinn skuldbindur sig til að kynna reglurnar fyrir öllum þátttakendum, endurskoða þær reglulega í samstarfi við öll þau sem koma að skólanum og bregðast við ef brot eiga sér stað.

Nánari upplýsingar um viðbrögð við brotum á siðareglum, stuðningsúrræði og ferla vegna erfiðra aðstæðna má finna í skólanámskrá LungA-skólans. Skólinn leggur áherslu á að bregðast við af yfirvegun, virðingu og með velferð allra að leiðarljósi.

# Reglur, réttindi og ábyrgð

Við trúum því að persónuleg farsæld og ánægja náist í gegnum verklega vinnu sem ýtir undir þróun eigin hæfileika og getu - sem aftur hefur áhrif á umhverfið. Það er sameiginlegt verkefni að halda utan um umhirdu skólans, bæði sem hugmynd og framkvæmd og því verður nám og þátttaka í skólanum til með samvinnu og samlífi. Allir þátttakendur leggja sitt af mörkum til félagslegrar sáttar innan skólasamfélagsins og út frá þessu hafa mótast eftirfarandi venjur um gagnkvæma gestrisni, félagslega sátt og hegðun.

Með því að nema eða starfa við LungA-skólann skuldbindum við okkur til að fara eftir skólareglum:

- ≈ LungA-skólinn ber ábyrgð á strúktúr og valdaskipan sem fylgir hverri stofnun. Við krefjumst þess að í skólanum viðurkenni allir þátttakendur, þar með talið starfsfólk, starfsnemar, leiðbeinendur og gestalistamenn, þau valdaójafnvægi sem geta myndast og að enginn misnoti stöðu sína né forréttindi.
- ≈ Í LungA-skólanum notum við nafn, framburð og fornöfn sem einstaklingar sjálfir kjósa. Við gerum ekki ráð fyrir kyni, ásetningi eða smekk fólks.
- ≈ Við erum öll hvött til að tileinka okkur fordómalaus afstöðu gagnvart kyni, kynþætti, kynhneigð, húðlit, aldri, fötlun, þjóðerni og trú, og viðurkennum rétt allra þátttakenda til að taka þátt í öllu starfi skólans án mismununar. Þar af leiðandi er áreitni, þar með talin kynferðisleg áreitni, einelti, kynjamisrétti, hómófóbía, transfóbía, fötlunarförðomar, stéttafordómar, aldurshyggja og útlendingahatur, ekki liðin að nokkru leyti. Ef einstaklingar beita meðvitað slíku ofbeldi eða fjandskap gagnvart öðrum, verða þau að vera undir það búin að vera vikið úr náminu (Sjá Námskrá 19.6 Brottrekstur).
- ≈ Við berum öll ábyrgð á að virða réttindi og eignir hvers annars. Við virðum persónulegt rými og gerum ekki ráð fyrir samþykki annarra. Samþykki þarf að vera frjálst og upplýst og getur breyst hvenær sem er. Ef einhver er ekki fær um að gefa samþykki, þá telst samþykki ekki hafa verið veitt. Ef vafi leikur á getu einstaklings til að samþykkja, þá telst samþykki ekki hafa verið veitt.
- ≈ Við teljum að allir þátttakendur eigi rétt á sjálfræði yfir persónuupplýsingum sínum og ákvörðunum um hvernig þær eru miðlaðar. Enginn þátttakandi má gera ráð fyrir aðgengi að persónuupplýsingum annars né miðla þeim án skýrs samþykkis. Þetta felur í sér myndatöku eða sýnileika annarra (t.d. birtingu á samfélagsmiðlum) án samþykkis þeirra sem í hlut eiga.

- ≈ Við sýnum virðingu og komum inn í náttúruna og samfélag þeirra sem búa á Seyðisfirði af hugulsemi og nærgætni. Við gætum að snyrtimennsku, tínum og flokkum rusl, virðum garðamörk og munum að það sem gæti litið út fyrir að vera rusl gæti verið fjársjóður annars. Við berum ábyrgð á því að koma fram við byggingar, verkfæri, efni og náttúru af virðingu og tillitssemi.
- ≈ Við erum hvött til að vera forvitin um eigin praxís og veru innan skólans, sem og um starf annarra. Við eigum að spyrja spurninga, deila eigin vinnuferli og viðveru með öðrum þátttakendum, þannig að samveran geti haft áhrif á okkar eigin aðferðir, sjónarhorn og skilning.
- ≈ Við eigum að sýna áhuga á morgunsamverum og námskeiðum, og flytja þá reynslu og þekkingu sem þar fæst inn í okkar eigin praxís eða veru. Við eigum að vera til staðar. Það þýðir ekki endilega 100% mætingu, því við metum einnig fjarveru og óhefðbundnar leiðir til þátttöku. Hins vegar skiptir nærvera miklu máli í sameiginlegu náms- og samvinnusamfélagi, og skortur á nærveru getur haft neikvæð áhrif á samfélagið. Ef ítrekuð fjarvera veldur truflunum sem ekki næst sátt um í samtölum við viðkomandi, gæti það leitt til þess að viðkomandi verði beðinn um að hætta þátttöku í náminu.
- ≈ Við berum ábyrgð á því að viðhalda venjum sem styðja við eigin heilsu. Heilsuparfir geta vera menningarlega mótaðar og mismunandi á milli einstaklinga. Þátttakendur sem þurfa stuðning við andlega eða líkamlega heilsu ættu að ganga í skugga um, áður en námið hefst, að slíkur stuðningur sé tryggður allan þann tíma sem viðkomandi dvelur í skólanum. Hafa skal samband við öryggis- og stuðningshóp LungA (LSS) eins fljótt og auðið er ef þú hefur áhyggjur af andlegri eða líkamlegri heilsu þinni eða annarra þátttakenda (Sjá Námskrá 15. Öryggi í skólanum).

# Öryggi og stuðningur

LungA-skólinn leggur áherslu á að skapa öruggt og styðjandi samfélag fyrir alla þátttakendur. Ef upp koma áhyggjur af líkamlegri eða andlegri líðan, samskiptum eða öðrum erfiðum aðstæðum, er hægt að leita til meðlima Öryggis- og stuðningshóps skólans / LungA Safety and Support Group (LSS).

Nafn og tengiliðir meðlima LSS hópsins eru birt á vegg í heimavist skólans og við skrifstofu skólans í Herðubreið. Utan hefðbundins vinnutíma, t.d. á kvöldin, um helgar og meðan á sjálfstýrðum dögum stendur, má leita til starfsnema sem koma skilaboðum áfram til viðeigandi aðila.

## Að leita aðstoðar utan skólans

Neyðartilvik: Í hættulegum aðstæðum skal hringja í neyðarlínuna, 112 áður en haft er samband við starfsfólk. 112 er ætlað fyrir slys, eldsvoða, glæpi, barnavernd, leit, björgun og náttúruhamfarir og þau sinna öllu neyðarstarfi. Listi yfir símanúmer vegna annarra slysa og bráðatilvika má nálgast hér: <https://island.is/slys-og-bradatilvik>

≈ Heilsugæslan á Seyðisfirði, Suðurgata 8, s. 470 3060

≈ Lyfja apótek, Norðurgata 6.

≈ Stígamót eru samtök sem berjast gegn kynferðisofbeldi og veita aðstoð fyrir fólk sem hefur verið beitt kynferðisofbeldi. Viðtöl eru fólki að kostnaðarlausu. S. 562-6868; <https://stigamot.is/pantatima/>

≈ Sálræn og/eða trúarleg ráðgjöf frá prestinum á Seyðisfirði. Þetta getur verið í tengslum við ástvinamissi, sorg eða almennur stuðningur.

≈ Hjálparsími Rauða krossins er 1717. Hjálparsíminn veitir virka hlustun og ráðgjöf um samfélagsleg úrræði til fólks á öllum aldri sem þarf á stuðningi að halda, t.d. sökum þunglyndis, kvíða eða sjálfsvígshugsana. Auk þess veitir Hjálparsíminn sálrænan stuðning og ráðgjöf til þeirra sem telja að brotið hafi verið á sér á internetinu.